

欽 州 序

余蓋嘗以長走吳水胡慕之夫
生在明神宗嘗為諫官君歆在
傳其論礦稅一疏謂不減鄭監
門之涕泫也此余備兵廩上經
先生之廬而式焉已而求其遺



序
藁得歆赫州尹卷大旨關國是
次之陳民瘼或婉諷而曲諭或
慷慨而危涕炳二焉經世之訂
謨也於戲失生造矣人第知其
遭遇盛明處昌言森諱以朝而
不知其憂深見遠呀衡於天百

國家之故而流連憤發於君父
之戚者其心至今在也易曰履
霜堅冰至又曰其凶其凶繫于
苞桑今天言諱治安者必曰萬
曆而予以為天下之亂實胎於
此蓋當戊戌辛亥間人主已育

倦勤之志而二三執政懲江陵
之末濕以賈福也於是務爲寬
淡浸假而變爲模稜以舒緩勿
動爲持體以慷慨激烈爲狂愚
且恬下熨奸孽萌芽辟如扁鵲
再見桓侯知其病在腠理而言

之弗聽卒至於敗亡而不可藥
也今鐘簋已移坐河頓改讀先
生之疏方知其爲對症之鍼砭
而惜乎當昔君相烘焮於廣廈
細旃之上忍賈生之痛哭反以
爲迂濶而不情也始余讀先生

糾彈太倉晉江諸封事以爲失
夫負竒氣者旣觀其讓官同列
堅請外移脊深言而不校乞骸
之章十氏且而後得請焉嗚呼
又何其恂二退讓君子哉先生
之子汝薦從余游慮其久而湮
也將梓以行世遂爲之序而立
致尚論之指如此

告

皇

濟順治甲午仲春吉旦
賜進士第中憲大夫
欽差分巡隴西徽陝西按察司

僉事加一級賜蟒服東海後學
宋琬敬題



欲焚草目錄

卷之一

候選給假疏

請竣大工罷冗役疏

請更河臣發內帑疏

請就近推舉河臣疏

請止濫免舖商疏

奸弁架空說謊疏

梟棍奏當已明疏

河工萬不可已疏

民力已竭包礦難堪疏

廢弁不堪復起疏

災異請罷礦稅逮繫疏

請會推公慎拔真材疏

叅會推撫臣不當疏

請更代司空總河疏

河決請黜總河並叅河臣疏

再請黜總河疏

叅二弁免舖商疏

叅舖商濫免罪璫妄賣疏

囚鰲山請罷礦稅疏

請允司空休致更簡任疏

辭陵工優叙疏

請蘇商匠疏

請簡協理疏

條議舖商疏

請處河工經費疏

卷之二

請停官旗陞級疏

叅稅使救逮降兩縣疏

請簡樞貳更代督臣疏

邊地火異請簡本兵卿貳及延撫疏

請罷滇南諸稅並叅撫臣疏

再請簡本兵卿貳及延撫疏

請點延綏撫臣疏

請慎選閣臣疏

彈南本兵疏

糾禮臣不堪枚卜疏

糾銓臣巽懦溺職疏

救滿咸寧疏

再救滿咸寧疏

糾孫司馬不宜與推疏

陳大工事宜疏

卷之三

糾朝鮮請封疏

金
元輔至情當體疏

南京水災修省疏

請開經筵暨皇太子講學疏

叅藩王越關奏擾疏

請斥老奸疏

請罷罪輔謚典疏

六科斥奸公疏

請東宮講學疏

白氣經天請修弭疏

請息議論定國是疏

申飭科場功令疏

乞外轉疏

牛妖請修省疏

請謚忠良疏

地階修省疏

糾舉章奏沉滯疏

三請東宮講學疏

人妖地震修省疏

四

再乞外轉疏

糾叅藩璫投賄疏

條陳禮闈事宜疏

四請東宮講學疏

糾邪臣狂肆疏

卷之四

太常自陳疏

請發內帑賑荒疏

捐俸助賑疏

太常請儲講公疏

再請儲講疏

太常請告疏

辯鄭御史疏

再請告疏

舉枚卜補大僚公疏

催請福王之國公疏

催請二王封婚公疏

三催福王出封公疏

四催福王就封公疏

患病請告疏

辯御史田一甲叅論疏

再辯田一甲駁辯疏

請告求放疏

五疏求放

請罷括莊田催就國疏

六疏請放

請放七疏

六催福王之國公疏

請放八疏

辭祿推印疏

乞歸第十疏

乞歸第十一疏

會試硃卷

孟獻子曰 一節

出門如見 於人

聖人之行 烹也

附刊

墓誌銘

欲焚草卷之一

起壬寅二月至丙午正月俱任工科時疏

天水胡忻慕之甫著

候選給假疏

奏爲陡聞家難情悲勢急懇乞

天恩容令給假回籍事臣由萬曆拾柒年進士出宰

臨汾歷俸柒年伍閏月蒙

恩行取候

命輦轂下何敢輒便私圖顧臣有迫切至情不得不

哀鳴於

皇上之前者臣父子惟臣與兄臣兄有弟惟臣門
祚衰薄別無丁男臣父沒臣繼母孀居臣兄奉
養臣是以拾年於外無內顧憂近得家報臣兄
於去年拾貳月貳拾伍日病故屍骸暴露無人
收埋臣母悲痛臣兄飲食減少形容憔悴臣聞
之心裂腸斷涕盡血出臣兄有弟如臣而死焉
莫爲之葬與無弟同臣母有子如臣而病焉莫
爲之養與無子同鵲鴿尚有急難之義烏鴉猶
有返哺之情臣有兄喪不葬母病缺養且不得
與禽鳥齒何以立於

聖明之世哉日夜慘怛寢食俱廢怔忡怖恐遂至
不起萬不得已輒敢披瀝

上陳伏望

皇上憐臣之情可悲憫臣之勢誠急

勅下該部查覆准臣回籍則上之可慰臣母憂思下
之可襄臣兄塋事臣一家養生送死無憾我

皇上天高地厚之仁臣當生生世世銜結無極矣奉
聖旨吏部知道

萬曆貳拾玖年參月

日

請竣大工罷冗後疏

題爲時事多艱 國計宜慎懇乞

聖明亟竣 大工罷冗後以鞏萬世鴻圖事臣等至
愚極陋蒙 恩拔擢待罪工垣諸凡大小工役
舉關臣等職掌蓋自丙申祝融作祟

三殿三門俱爲灰燼 朝宁荒涼柒年於茲頃者黃
河南徙 祖陵阡危漕渠淤塞泛濫衝決患在
眉睫此其當營建濬築宜何如者顧聚材鳩工
財用是急酌盈濟虛樽節爲要

御製 卷一
皇上少加意念卽千萬易於錙銖不則野火難供漏
卮易洩經費何賴焉臣等於本月初肆日隨閣
部諸臣看閱

兩宮工程周迴瞻視見其規制弘麗結構精密美輪
美奐雖有輪扁無所獻其技塗獲無所效其能
眞足似續 前烈冠絕往代臣愚不勝燕雀微
棕仰惟我 皇上移居別宮之日久乘此春和
去舊卽新亦大愉快事迺何所遲疑觀望而不
以工竣報耶夫有一日之工則有一日之費日

以繼日長此安窮臣又聞 大高玄殿有工

昭和 景仁有工他及花園果園亭軒臺榭等役種
種繁興夫露臺惜費誼辟芳規佚豫妨德哲人
爛戒矧值此民窮財盡之時尤當量入以爲出
聖躬履泰葆和之後更宜省事以養心且

門殿爲繼離承乾之要地

祖陵爲鍾靈毓秀之丕基漕渠關肆百萬石之大計

其視 大高玄殿 昭和

景仁及諸花園果園亭軒臺榭孰輕孰重孰緩孰急

釋先務之圖徂不急之役靡有用之財供無益之費臣竊惜之伏乞

皇上亟勅當事臣工將 兩宮刻期報竣

大高玄殿 昭和

景仁及諸花園果園亭軒臺榭等役一切報罷專蓄財力急救 陵漕之患預積 門殿之儲上培

二祖八宗無疆之緒下貽

聖子神孫不拔之業

宗社幸甚天下萬世幸甚

請更河臣發內帑疏

題爲河臣感病有據河工經費宜足懇乞

聖明亟行議處併破格給發以弘濟時艱事臣惟當今大患莫如河最急莫如治河經營之則河臣是恃幹濟之則財用是需臣自閏貳月以來風聞總河侍郎李頤因河工艱鉅錢糧缺乏拮据焦蒿憂勞成疾卽欲具疏

奏聞緣無的據不敢輕

瀆本月初五日辦事科中直隸巡按吳崇禮投揭

到科內云河臣南北奔馳地遠而勢難周今且病各道且苦無所稟受等語臣因詢問其故備聞河臣抵任卽趨鳳泗謁

陵旋入淮濡督運隨赴河南佑勘蒙濬決口旣見衝決澎湃工大費繁該地方庫藏空虛閭閻凋敝遂驚惶做罔成吐血失心之症見今杜門濟上令家人具呈淮徐道詳各院求爲代

題夫病至不能自

題而令人代之

題則病勢以深諒非醫藥旦夕所能奏效竊意此時彼中畚鍤雲興孰爲統理舳艫鱗集孰爲彈壓脫有意外之虞孰執其咎臣愚謂待其奏至而後議處晚矣夫枵腹之子慈母不能使無米之粥巧婦不能炊若更置河臣而錢糧猶然缺乏雖使神禹在位亦難以責成功蓋今日河患陵運俱危必上築決口下疏故道斯稱兩利而決口濶至百餘丈故道長至參百餘里約費錢糧非百萬不可此百萬錢糧將索之庫藏則搜括已

盡將派之閭閻則股削已極自非徼惠

皇上大發帑金安所從出倘以帑金不便給發乞將
今歲各省礦稅銀兩悉解河上應用待河工告
成仍舊解進

內府亦便計也昔年河南饑饉

皇上尚發帑金數十萬遣官賑貸矧此河工上而

祖陵關

國家億萬年之命脉下而運道繫

京師億兆人之咽喉其視中州赤子不啻過之近
年平播逐倭禽俘劉哮惟是糧餉充足給發及
時以故所向克捷洪流衝決之患何異門庭之
寇欲成非常之功詎可顧惜非常之費及今河
流尚緩勢猶可爲不以此時給發救然眉之急
轉盼伏秋河患叵測

陵運萬有他虞卽發金錢數百萬噬臍何及哉伏望
皇上俯念河務孔殷河臣卧病難理亟

勅該部另推更代仍將按臣分漕河合漕撫之疏速
行議覆更乞

洞察錢糧萬分難處破格大發

帑金或盡留今歲礦稅使河臣得以展布不至束手無措則人心鼓舞河伯效靈平成刻期可奏祖陵運道永孚于休矣

請就近推舉河臣疏

題爲河患孔棘河臣甚病懇乞

聖明亟勅就近推舉河臣以濟急緊河工事臣惟河自蒙壩口決洪流南徙危我

祖陵阻我運道修築疏濬誠不可一日緩者迺其肩重任劇持衡秉樞相度機宜調集人夫區處錢糧揜三省于掌間籌全河于胷中惟河臣一人是賴則河臣又不可一日缺者本月初拾日臣辦事科中接得山東巡撫黃克纘揭帖爲河臣

患病危篤乞賜代

題回籍調理事內云據總督河漕軍門義男李朝告稱伊主李都御史因勘河督運感病嘔血遂至顛狂不省人事醫藥罔效危在旦夕乞要請官更代又節據司道衛一鳳汪可受章邦翰等呈稱俱各親至總河楊前問看一云病實危篤未易痊可一云總河病真不可任事一云棺衾已備大勢似不可爲衆口一詞則河臣李願有病宜放回新任河臣宜亟推也我 皇上自有

睿斷臣何容置喙第救災捍患者貴乘其時趨事赴功者當因其便方今 祖陵虞在剝膚運道急在燃眉而推河臣於隔別地方則候代動經時月卽促裝難期旦夕是引水西江借材鄧林不亦遠而失事幾之會乎臣愚謂河南山東鳳陽三巡撫者才名夙負時望其推儻就其中

簡用一人彼去河道甚近于河上事體甚習可以朝拜 命而夕受事不啻就熟路而駕輕車且賈魯河故道之復尙在勘議而開泇河濟運道雖

谷夢草 卷一
業有成說或者又以為虛糜工費不可行自非
河臣見之真閱之素豈可嘗試而漫為故臣愚
以為就近推之便也伏乞 聖明鑒察如以臣
言不謬亟 勅該部將總河就近推用責令刻
期任事殫力經畫濬復賈魯故道務有成績若
洳河可開不妨併濬以濟運道之艱如不可行
不宜虛費以分治河之力庶耳目不易心志協
一功用有成河可安瀾無患矣

請止濫免舖商疏

題為舖商已奉

明旨紛紛瀆擾非法懇乞

聖明嚴斷以杜倖門以重

國體事臣聞君以制命為義臣以承命為信義無

二信信無二命古之制也亦國之體也

京師根本之地諸商最稱苦累故鍾鼎饒裕之家

百計求為脫免寅緣城社布置營窟所從來矣

頃我

皇上因供應柴炭缺乏憫念舊商疲憊着再添幾名
協辦上納該工部奉

旨會同廠庫科道責令舊商陳熾等會報新商馬鎮
及張承勳孫麟魏良佐盧應奎董宗敏等壹拾
伍名

上請隨奉

聖旨是不許鑽脫囑免欽此一時臣民舉手加額稱
頌我

皇上明見萬里洞燭時弊申飭而杜絕之則已報富

豪之輩必欽

嚴命而息奸謀可幸無事居無何張承勳孫麟魏良
佐相繼以內監

奏免盧應奎以其兄中書舍人盧應時

奏免董宗敏則以其父百戶董應元

奏下部議免矣倖端一開竇擾踵至

九重之上幾爲訟府豈體也哉夫張承勳孫麟魏良

佐藉芘大厦復以榮惑

天聽董應元優游散局猶欲開豁子役盧應時託迹

中書席寵服華已屬厚幸又併其弟納官營免
真是登壘臣愚謂法行自近豈容關說於左右
事在奉公安得顧藉其身家倘有援者免彼力
可通神孰不能求一援有官者免彼利若出債
孰不能買一官將京城豪富之家俱應優免而
應役者必寒薄羸弱而後可也且不許鑽脫囑
免之

旨昭如日星人人快覩孰得而遏佚之今不許鑽脫
而張承勳等竟以鑽求脫不許囑免而張承勳
等竟以囑託免何以明

綸綍端道揆而一法守哉抑臣又聞之令重則君尊
國之安危在出令今日之

聖旨卽令也信則重不信則輕出于公則重撓于私
則輕謀諸

廟廊則重降自

內庭則輕重則尊尊則必安輕則卑卑則必危此
之關係豈曰小補伏願我

皇上念明旨不可屑越紛奏不可滋長將張承勳等

欲焚草 卷一 三
責令着後郎有例應優免者亦望

勅下該部查覆

上請定奪庶僥倖之門杜

詔旨尊體統重而

國家永孚於休矣

奸弁架空說謊疏

題爲奸弁架空說謊欺玩

聖明懇乞

乾斷究治正罪以肅法紀以尊

朝廷事臣惟忠君者不敢欺欺則不忠敬君者不

敢玩玩則不敬人臣而不忠不敬罪當死我

皇上明並日月誰敢欺之威如雷霆誰敢玩之詎意

么膺小醜如金吾左衛右所正千戶杜景雲敢

于玩肆無忌憚者乎臣辦事該科看詳章奏見

景雲一本爲捐資助工修葺神宇再懇

天恩俯賜

允俞以彰

聖典以竭愚忠事內稱據徽州府歙縣監生曹應鵬揭帖願進銀五萬兩助大工一萬兩修葺太山天仙殿宇乃其銀不在曹應鵬而在曹祺曹淮等處也不在徽州府歙縣而在浙江崇德縣也不自同曹應鵬齎進而請差內臣陳祥同往查取解進內庫領齎興工也假進獻之名爲劫奪

之計藉城社之勢營狐鼠之圖種種情弊蒙我皇上洞燭其奸稍示裁抑助工銀五萬兩不准解進內庫而令進交工部收用修葺銀一萬兩不准陳祥領齎而令齎交陳增處具奏至於內官陳祥亦罷不差遣以免擾費是魍魎之情狀難逃而饕餮之邪謀莫售也臣復何容置喙第刻奸當嚴而行法貴斷存姑息之心者滋僉壬之蔓持優容之念者開群枉之門我

皇上尊無二上富有四海卽曹應鵬真以六萬金進

御製 卷一
猶將錙銖視之杜景雲乃捏無作有畫餅指梅
以誑惑

天聽徼天之幸以行私一之不已至於再是視我
皇上爲何如主耶春秋無將將則誅

祖宗來榜示朝門官員人等說謊者斬奏事面欺者
斬景雲所奏不說謊乎不面欺乎謊且欺不啻
將矣是春秋所必誅

天憲所不宥者

皇上明知之而姑置之不幾令紀法陵夷而褻

朝廷之體哉抑景雲之敢干爲此也有由彼見夫
年來言利之徒若礦若稅得意肆志莫敢誰何
卽近日虎賁衛指揮魯登科捏稱淮南商余元俊
捐資助工朝臣屢發其奸該巡鹽御史業查奏
其妄而

皇上不之究也是以尤而效之且不止一景雲者羽
林衛百戶閻應隆以福建海澄縣界外海中
金銀獻矣大興衛百戶王遇桂又以南直隸十
四府之稅契銀獻矣夫海島屬番夷之地挑釁

可憂契稅橫額外之征刻心堪憫連章累牘惟
所鼓簧封豕長蛇安所底止臣願我
皇上大奮乾岡將杜景雲併魯登科罔應隆王遇桂
等逮送法司按春秋之法正說謊面欺之罪以
爲人臣不忠不敬者之戒其所進獻悉行停罷
庶人心知警世風可維紀法肅而

朝廷亦尊矣

梟棍奏當已明疏

題爲梟棍奏當已明鯉瑞抗庇堪駭懇乞

聖斷嚴究正罪以信

國法以尊

朝廷事臣惟國家所以整齊宇內制馭人群者惟
法法與國勢相重輕也天下無撓法之人則法
重朝廷無不行之法則朝廷重故以舜爲天子
瞽瞍殺人法在必執誠重之也詎意

聖明在宥操總攬獨斷之權迺有橫肆宦官敢於背

明旨庇私人無君無法如陝西督稅太監梁永者顧
可置之不問耶梁永督稅陝西任用群小欺官
虐民莫敢誰何今年閏二月內差投充武舉杭
大賢叅隨李良金張月及杭白子杭守志杭月
等催提西安府屬東路州縣稅銀前到渭南縣
仗永之勢大張威焰凌辱氣死知縣徐斗牛杭
大賢又以淪卵不中故殺厨子趙應貴李良金
以邀姦不從同張月杭月毆死娼婦石小成杭
白子以折乾不遂同杭守志毆死倉吏王興國
近聞撫臣賈待問會問過招詳揭帖杭大賢杭
白子杭守志雖已究罪如律而李良金張月杭
月尚在漏網蓋杭月先已禁繫永豐倉梁永差
快手取去不還李良金張月則在永左右捏稱
解馬赴京占愆不發者也夫以群兇之鴟張荼
毒如此梁永之藪萃逋逃如此臣謂

皇上覽奏必赫然震怒逮治梁永嚴拿李良金等下
於理矣數日以來何其寂然無聞耶豈以李良
金等可無罪乎殺人者死律有明條何可逭也

豈以情可矜疑乎檢勘再三傷証明確何可易也抑將待梁永奏到而後發乎合諸郡邑長吏探意立情原心定罪尙不足信彼護短容奸之卑詞又何可憑也且狐鼠煽禍梁永實爲戎首皇上寬而不誅已爲厚幸李良金等乃欽奉

明旨究問人犯在左右者旣不肯發出在監禁者又輒行取去何其操縱自如威福由已迺爾臣又捧誦

明旨云不許偏護而永惟偏是護不許徇私而永惟私是徇令該監禁斥匪人而永更比匪人若膠漆令該監恪守王法而永更藐王法若弁髦赫赫

明旨所謂

天威不遠顏咫尺者而永敢屑越如是

皇上試觀梁永如此舉動是尙知有

皇上耶是尙知有人臣禮耶臣每見我

皇上一怒則緹騎四出遠而滇嶺大而監司不難逮繫獨於礦稅之使驕縱不法如梁永輩則處之

如轉石豈以梁永等撤回則礦稅難行乎四海
困窮已極誠願我

皇上一朝停罷即不然請令各該地方官照額徵收
按季解進無不可又不然去其二三罪惡太甚
如梁永者即以其地礦稅內官兼攝其事亦無
不可往時陳奉激變楚人

皇上撤回陳奉而以杜茂代之至今楚之譁者息而
皇上之額稅無損也此非其已事耶伏望我
皇上深維梁永背違

明旨庇匿私人跋扈不臣之漸不可爲訓

大奮乾剛逮繫來京明正厥罪其毆死人命李良金
張月杭月等

勅該衙門嚴拿依律究擬庶法行自近而有罪必刑
國法信而

朝廷之體自尊矣臣不任激切籲懇俟
命之至

河工萬不可已勘議再不容誤疏

題爲河工萬不可已勘議再不容誤懇乞

聖明申勅當事諸臣矢公矢慎務求必然不易之畫

期底平成偉績事臣惟河之爲患大矣上侵

陵寢 國之命脉關焉下妨漕運 國之咽喉係焉

故治河者求其有利於 陵運而已矣不必於

地方俱有利也求其無害於 陵運而已矣不

必於地方俱無害也求其事可功成永有賴於

陵運而已矣不必見小而欲速畏難而苟安也頃者

我 皇上軫念河工事急 慨允總河之請

特命漕河御史崔邦亮會同總河及山東河南南直隸撫按等官悉心勘議近該諸臣具

題接揭到科僉謂山東曹縣王家口有迎溜入懷之勢必欲挽全河而東無逾開王家口便已而人言嘖嘖有謂王家口之開河南以爲利山東以爲害者有謂河身低王家口高卽開水未必來者有謂山東巡撫以開王家口爲不可故會勘無疏且告病以自明者有謂總河亦知其不可

故貽書朝紳持論兩端以築隄建閘爲得策以議全河耗財疲力爲多事者於是河南道御史牛應元疏請謂河工勘有成議始慮不厭致詳業蒙 下部覆 允再加勘議矣臣愚謂河自蒙牆決口而下暨徐邳宿遷之間經歷三省蜿蜒六七百里豈能盡有利而無害哉第當度地勢之高下視水性之順逆爲

陵運計耳地誠高逆若過潁難以廻狂瀾而引之東卽利河南豈可須臾嘗試地誠下順若建瓴可

以挽全河而復故道卽不利山東安得從旁尼
止蓋臣先國家之急而後其私圖不當各分畛
域誤國家之大計王家口誠不可開何不於會
勘時直指形勢明証可否若之何面從而退有
後言致使輪蹄鱗集而議者竟從中格如兕戲
然謂事體何臣竊爲山東撫臣不取也至於總
河 皇上旣挈全河付之治則其功也不治則
其罪也人不能分其責亦不必諉其責於人知
其見涉恍忽柰何以百餘萬錢糧貳拾餘萬夫

役填巨浪而逐洪濤果能實見得是卽宜斷在
必爲天下非之而不顧雖勘議亦屬多事乃持
兩可之說示不決之端何爲者若曰錢糧無出
慮恐生變夫人未有自絕命脉斷咽喉者

國家卽匱乏寧計不出此坐視 陵運貼危河臣
受困乎臣憶春初我 皇上憤河事決裂斥逐
誤事之臣 簡任河臣假之便宜汲汲皇皇若
朝不保暮徼天之幸 陵運庶幾無恙顧天幸
不可屢徼隄與閘不可常恃不以無事時興工

料理爲 陵運長久之計一旦水旱叵測隄潰而不支開涸而無濟然後起而圖之嗟何及哉伏望我 皇上迨此覆勘之時以和衷責之撫按司道等官以任事責之總河王家口可開不難執奏如不可開不妨改局務期確有石畫具題卽亟處給錢糧刻期舉事庶河工非道傍之築河患有安瀾之望其於 陵寢漕運非小補矣

民力已竭包礦難堪疏

題爲民力已竭包礦難堪懇

恩軫念少寬逋負之誅以蘇一方生靈事頃閱邸報見陝西開礦御馬監太監趙欽題叅西安府山陽縣拖欠礦金叁拾捌兩有奇礦銀壹萬肆千貳百餘兩鞏昌府秦州拖欠礦金叁百陸拾伍兩礦銀壹萬貳千貳百餘兩業已奉有

嚴旨勒限追完類進矣夫山陽西安下邳物力凋敝臣姑勿論臣秦人也請言秦包礦之苦秦州僻

在山陬地瘠民貧銀礦雖有數處砂脉微細迺
金礦則絕無也往年該監奉

命開採至於秦彼時撫臣駐節隔遠道臣抱疴靜攝
州官代庖有傳舍心地方無主議之人惟憑開
報懸坐銀歲幾萬兩金幾百兩秦地不產金顧
安所得金而解之以故額數全逋礦銀雖有而
出不及額輒令百姓包納始於村落漸及城市
後又派之丁糧迄於今無人不包無地不包猶
拖欠若斯之多也每當比追閭閻騷動鷄犬靡

寧筭楚并兼肢體殘破父母妻子不相保狼狽
慘切之狀不忍見聞恨無爲我

皇上言之者夫有司之比追急於星火今將更急之
百姓之愁苦甚於焚溺今將又甚之民不堪命
不迺則死耳孰爲我

皇上辦納完進礦課哉蓋法能行於力之所可勉而
勢難強於地之所本無秦地糧壹萬柒千零耳
迺絕拋荒每完不及分數管糧官罰俸住俸無
歲無之今又使之包礦包稅是責羸夫以責育

之任也銀猶家戶所時有者鬻妻子賣田宅可
以奏辦地不產金而責之包金是索石田以膏
腴之獲也且有髓則骨可敲髓枯敲之何益有
肉則心可剗肉盡剗之何益臣願我

皇上念此一方民

勅行撫按查核山陽縣秦州諸礦銀之多寡金之有
無量加豁免庶礦額可完民困可蘇地方幸甚
夫天下苦礦久矣臣不敢

請而獨

請此兩州縣卽兩州縣之礦臣不敢槩望

蠲而惟望少

蠲不能包之金銀誠知

聖心仁愛自有停止之日不敢漫爲激聒也惟

聖慈垂察焉臣不任屏息待

命之至

廢弁不堪復起疏

題爲奸貪廢弁不堪復起懇乞

亟賜斥革以儆官邪以清營伍事臣頃閱邸報見我
皇上允中書趙士禎之

請發所獻防邊奇器於京營打造演習特起廢棄遊
擊何良臣董其事臣惟繕兵治戎以備不虞大
事也振淹起廢以待異材曠典也良臣何修而
厚蒙此已而訪之其人有謂良臣起家白丁以
詞客借資同鄉引授李總督門下進用者有謂

良臣全無伎倆一味營求自千把總歷中軍坐營都司領班所在狼藉尺寸莫效者有謂在標兵營委造輕車冒費數千金無裨實用者有謂奉

旨革任回籍潛任

京師傾貲交游夤緣復起者淫虐多端八千總揭之狎邪百出樊御史劾之剝軍罔上郭給事彈墨猶新朋謀冒糧沈協理白簡有據夫拔之以正猶或以不正繼况以不正拔乎錄之以效猶

或以罔效終况以罔效錄乎以良臣之歷屨委瑣如此行能鄙劣如此一旦起自廢閒奉特委爲諸將士規將使人耳目眩惑心志移易隳豪傑之氣長貪競之風何以風示諸將士哉彼昔旣以貪敗今必不能以廉奮昔旣無裨於輕車今必不能有裨於音器臣恐數萬金錢祗足爲囊橐之潤而打造演習終無當緩急之一助也且也軍器自有局何必京營京營自有人何必良臣臣謂若良臣者已唾之核必不可復登之

華筵已逐之狼必不可復進之春園也嗟嗟士
抱竒畧異能出百死一生阨於踈渺沉於下僚
者何限迺神出鬼沒蠅營狗苟之何良臣復故
職如取諸寄疆罔何賴焉伏乞

勅下兵部查覆如果臣言不謬將何良臣

亟行斥革另選京營中廉幹官壹員代任其事庶官
邪知儆而營伍可清矣

災異請罷礦稅逮繫疏

題爲

天心仁愛必不可虛群情忠懇必不可違仰乞

聖明清覽累牘亟行實政以保萬世治安事臣惟我
皇上失政之大者無如礦稅逮繫等事豺狼橫於閭
閻而民心愁怨衿紳淹於囹圄而士氣鬱結乖
戾干和災祲頻見迺今歲則又甚矣日食正陽
廟享之朔未已也而雷火擊焚

長陵樓碑矣毛虫殘食

陵麓松柏矣山水衝毀

神道橋梁樹株矣霖雨漂壞官私廬舍殺人傷稼矣

種種恠異駭目驚心皇矣

上帝所爲仁愛我

皇丁者至矣盡矣我

皇上仰體

天心誓修實政諸臣亦仰體

皇上之心各䟽實政以

聞大都以罷礦稅釋逮繫爲第一義夫

上欲實修而下以實請蓋兩相接也是宜轉圜從之

胡爲乎以不

報也豈以

天變尙可忽而人言爲無當耶抑

精神有所分注而章䟽未暇檢閱耶漢儒董仲舒之

言曰國家將有失道之敗而天迺先出災害以

譴告之不知自省又出怪異以警懼之尙不知

變而傷敗迺至夫當警懼時易爲力耳至於傷

敗而圖之不已晚乎書曰三人占則從二人之

言礦稅之當亟罷也逮繫之當亟釋也輔臣言之部寺臺省諸臣言之或合疏或獨疏奚啻三之二

皇上猶執迷不反夫言之諄諄聽之藐藐迨勢窮事急而曰悔不用廷臣之言嗟何及矣

九閩萬里我

皇上又經年靜攝群臣未出一覩

天顏所賴以抒情愫而申款悃者僅此章疏迺復厭棄而不收不幾自廢其耳目耶且

君人者

令德以示子孫漢宣帝勵精之主也用弘恭石顯與趙蓋韓楊不得其死遂貽後世基禍之誚我

皇上任群璫之剝削逞淫威以恣睢卽我

皇上聖神可幸無事而以傳之

聖子神孫不可爲安將使萬世而下亦誚我

皇上爲基禍之主也豈不痛哉伏望我

皇上念

天心之仁愛不可久虛群情之忠懇不可固違

檢閱累上章疏

慨然罷礦稅釋逮繫與天下更始由是起廢臣補缺
官徵召循良次第施行則一轉移俄頃間太和
洽宇內

國家億萬年靈長之慶端在是矣臣至愚闇見實
政火稽不行恐無以答

天心而愈滋禍亂不勝惶惑用是嘵嘵
上懇惟

聖明垂察

請會推公慎拔真材疏

題爲會推之典漸輕僥倖之竇漸啓懇乞

聖明申諭當事諸臣矢公矢慎以拔真材以收實用
事臣惟國家艱鉅之任必端亮宏碩之品能肩
之端亮者不枉已以求伸也宏碩者不淺中以
競進也我

國家用人之柄總屬吏部一二大僚有缺該部推

舉所知詢謀僉同列名

上請仰候

點用迨我

皇上乾綱總攬九卿分猷每遇大僚員缺令之各舉所知請聽

欽點廣疇咨示大公也比其時九卿矢心自獻

皇上亦推誠而用之無偏無黨蕩蕩平平法程萬世可矣邇年以來絃轍改易會推之而不

報推之再推之三又不

報懸缺若野鹿人起競心公典爲奇貨人生而心如近日河南巡撫者甚可駭也萬曆三十年三月內該省巡撫曾如春

簡任總河遺缺九卿會推李堯民許弘綱王守素張鳴岡等屢推屢催不蒙

欽典昨因該部又疏催請復有

再推之旨夫之數人者表表時名固九卿所遴選而舉者也

皇上何愛於此官而不畀之數人

皇上又何嫌於此數人而復置之再推無亦以河南
重地巡撫重臣進賢如不得已之意乎廼奔競
者流夤緣若騫馳竿牘於公卿之門投筐篚於
津要之路聞諸道路紛紛有謂河南巡撫營謀
者衆長安貴游業有爲之地者斯言必有所指
臣誠不知其何如惟是躍冶之金非吉祥之器
也自媒之女非貞淑之媛也倘如人言而無恥
干進若而人者九卿一爲所中其誤蒼生辱名
器豈淺尠哉伏望我

皇上申諭九卿惜

國體毋情面情計地方毋計交游此番推舉務各
精白乃心必求才與品合聞望素隆者以副我
皇上慎重用人至意若有徇私受境使閃爍炫鬻之
輩濫竽其間臣當白簡從事盡法究斥則

憲典重倖竇塞

國家收真材之用裨益治道非小補矣臣無任屏
息待

命之至

參會推撫臣不當疏

題爲新推撫臣未協輿論謹據實

上聞仰候

聖裁事臣惟人之能當大任而大有爲於天下者不徒有用世之才尤必有高世之品品合於才則才爲我使斯濟世安民之可期才浮於品則我爲才使將泛駕敗轅之足慮夫巡撫建牙一方非所稱

國家之大任者乎昨日會推河南巡撫而山東布

政使司左布政沈季文者與推其間臣竊謂推非其人也夫季文者風生於事河懸於口豈曰無才惟是羶慕華膺驚躡要樞品卑卑無竒耳
夏初臣奉

使還入

都門聞人言嘖嘖云季文抵書當事求特疏薦伊堪爲河南巡撫當事者格於例難之季文恚謂我事體已定借爾疏爲順風之呼耳爾卽不疏我不開府河南乎臣一聞且訝且疑謂士君子進退有義有命奈何屬人薦已又謂巡撫重秩皇上最所慎惜季文言何容易臣誠不能無介於中故因頃有再

推之旨畧疏言之誠與默寢潛息可無喋喋傷雅道不意其竟被推轂也人言信不誣矣孔子曰不患無位患所以立孟子曰人有不爲也而後可以有爲季文患位之不得不患立之無具有侈然無所不爲之念無猷然有所不爲之心澹泊可以明志彼之營營華膺於志何觀寧靜所以

致遠彼之汲汲要樞於遠何望該省饑饉頻仍
採權擾攘洪水泛濫巨寇潛滋經畧拊循巡撫
是賴而以冒昧干進蕩檢踰閑如季文者當之
安望錫和平而奏底定哉臣與季文素非交游
夙無嫌怨獨念官爵懸於

朝廷用舍握之

皇上迺季文視爲已物若將取携自如殊駭聽睹且
巡撫見缺不止河南而鑽謀巡撫不止季文裁
抑一季文則凡爲季文者當瞿然歛跡不然攘
臂而起接踵而至

朝廷之名器

皇上之操柄胥爲窺竊溷仕路褻

國體匪渺小矣夫成事不說臣愚及其未成也謹
據實爲

皇上言惟

聖明裁察臣不任激切俟
命之至

請更代司空總河疏

題爲內外大工最屬緊急部總重臣亟宜簡任仰懇

聖明留神更病者代憂者以專責成事今天下脊脊稱多事矣地方官懸缺需補亦孔之棘矣臣等姑毋具論而承乏工垣敢論職掌之攸關者臣等目覩 三殿 三門經營伊始而

長陵明樓 諸陵橋梁神路毀壞之當修者鱗次都城重城版築方興而上林苑囿壩大馬房墻屋傾

御製通志 卷一
三十一
圯之赴告者踵接昨年堤決單縣運道中穿河
臣開泃濟運分黃護堤幸已見功然泃河通而
旋淤大壩築而未竣近日道路傳聞豐沛洪流
衝決太行魚濟之間盡爲水鄉若其果然則運
道尤屬可虞

國家咽喉之患至叵測也夫內而諸工浩繁如此
外而河工艱危如此卽司空無恙河臣任職猶
恐拮据不支乃尙書姚繼可以日盲閉門乞休
矣總河李化龍以母死孀孀在疚矣夫鞠躬盡

瘁

國爾忘家固臣子之分誼然視且廢矣何身之可
致塊已伏矣何 國之能圖

皇上將以仁勸天下之報以孝作天下之忠當不忍
二臣之鬱鬱宦邸進退維谷也然此特恤二臣
之私耳部事如家事家督無能爲則旅亞安所
稟承或玩愒而招尤河防若邊防主帥有事故
則士卒無所用命或踈縱而取敗此之關係良
非渺小

皇上縱不爲二臣之私恤獨不爲

國事慮耶伏願我

皇上允尙書姚繼可之乞休而聽之去別簡精明才望者掌部事將新推總河李三才黃克纘曹時聘等三人中

欽點一人趣令往代李化龍整飭河防事務

上不誤 國之事下不拂臣之私惟

聖明垂聽而俞行之臣不任屏營俟命之至

河決請點總河并叅河臣疏

題爲河防潰決運道迫阨仰懇

聖明亟點總河以專責成治河保運事臣辦事科中接得總河李化龍揭帖爲靈雨異常河水大漲隄岸漫決據實奏

報事內稱節據管河郎中等官劉不息等報稱七八月間大雨如注窮晝極夜黃水泛漲致將豐縣行隄衝決壹百餘丈單縣行隄衝決二百餘丈河水入豐隄口者十之七八單隄口者十之三

淮安王公堤陡裂四百零八丈蟄陷二三尺不
等勢甚危急等因臣見之不勝駭愕我

國家定鼎幽燕

京師億萬兆生靈取給東南每歲四百萬糧儲運
河是輸則運道固

國家之咽喉也黃河自西徂東與運河並虞其橫
衝故築隄以捍之行隄切近運河尤運道之保
障也隄自單決則張秋一帶危自豐決則魚濟
一帶危王公隄決則清口一帶危張秋魚濟清

口之間一危是無運道也無運道是無

京師也可不爲寒心哉河之水十七入豐隄口十

三入單隄口是全河盡北矣全河北而運道乃
無恙者以水猶並隄而東與舊決口之水匯入

昭陽湖南出李家口未遽奔騰而北耳此天幸
也水性靡常變遷叵測有隄尙爾衝決無隄何

所不至迨茲秋深水平正可相度興工而主宰
權衡總河焉依今總河李化龍已丁母憂矣具

疏

請代且再三至矣揆之人情協之禮制萬萬乎不可留矣而河患之急又剥膚然眉如此則新總河之

點用尙可一日稽緩哉蚤一日則蚤見一日之功遲一日則遲誤一日之事保障已撤咽喉將絕東南四百萬糧儲何塗之從以輸于

京師

京師億萬兆生靈又安所取給而不至坐困我皇上自爲

社稷計則新總河之

點用當不俟臣詞之畢矣抑臣於河上諸臣不能無議焉夫七八月河漲隄決之時非總河恭報分水河成故道漸復之時乎河方橫溢如此隄方潰決如此而總河方以成功報豈總河安於隱蔽乎將總河君憂而管河諸臣生玩愒心匿焉而不蚤報也夫未決時不能同心協力多方護救旣決又隱匿不以時聞臣竊謂河上諸臣似不可不一究懲也伏望

皇上念河防决裂已極運道危迫已甚亟將會推總
河三人中

欽點一人責令星馳上任躬親料理圖上治河保運
方畧仰慰

聖懷仍將河上諸臣量行查究以懲其玩惟復
念水灾異常人力無能爲也曲

賜恩貸統乞

聖明裁奪

再請點總河疏

題爲河决運危經畫更始仰懇

聖明亟點督臣專責殫精督率料理事臣竊惟黃河
之爲運道患也若寇賊然虞其內侵故築縷遙
太行三大隄捍禦之絕不使北自去年河决蘇
家莊而縷遙二隄列在河外惟行隄一綫障河
蔽運今秋雨霽河漲隄决豐單全河盡北寇賊
盖在門庭矣所不直北害運者以水猶並隄而
東昭陽湖能受之耳頃聞人言河沙淤湖幾平

冬間水落可幸無事轉盼春來桃花水發湖必不能容河河必逆流橫溢南陽濟寧一帶運道必危漕必阻絕卽洳河亦屬無用總河謂河不得不治又不得不早治者此也然治之欲早治也必總河安心任職而後可今總河李化龍丁母憂已五閱月疏

訂代且再四至三年之愛情必不可奪萬世之經制必不可遠近雖屢有

明旨責之督率料理而身羈于苦塊誰爲督率心分于憂恤誰爲料理與其強留所宜去失時而廢事孰若

速簡所可用托重而恃力哉且琴瑟不調必舉而更張之廼可鼓也總河分黃護隄之畫决裂罔功似宜大更局面庶幾可底平成彼當大故居哀感中自謂一物不能見一步不可行倘若因循時日蹉跎事機無裨於河有害於運噬臍可及乎嗟嗟

畿輔荒亂倉廩空虛咽喉有梗根本可慮臣早夜

御步草 卷一
以思幾廢寢食惟是

簡任督臣嚴勅治河保運今日第一喫緊要務而李
三才黃克績曹時聘三人者需次近地可以朝
拜

命而夕受職惟

皇上御筆一點則

國有任事之臣家有慎終之子

聖明何愛焉臣不任脆切候

命之至

叅二并免舖商疏

題爲驕倖武臣媒慢

聖旨仰懇

聖明嚴勅究懲以尊

朝廷事臣竊照各衙門本章從

會極門發出各該衙門官親接捧送該科無敢有
私携回家差人投遞者所以欽

明旨尊

朝廷也本月初玖日臣辦事科中本日辰時接到

府軍右衛後千戶所實授百戶楊惟政送到紅本壹本無何又接到原任錦衣衛南鎮撫司掌印都指揮僉事文應詔差家人文任送到紅本一本臣恭捧莊閱俱爲除豁舖商上者俱奉聖旨准照例優免該部知道欽此臣相顧駭愕蓋以今次舖商經該廠庫科道會工部四司郎中公同責令各舊商摘報嚴實以自代者何紛紛賣擾若此又以時方辰刻各衙門本章尙未發出何獨二弁本發之蚤若此卽詣

會禮門恭查

欽錄底簿乃知二本昨午發出二弁執回各家留遲至今始送到科耳夫赫赫

明旨儼若天日豈么磨私家所宜宿留楊惟政猶白躬送文應詔輒令一家奴送之豈執金吾尊重視

明旨可屑越耶夫二弁身都富厚卽少捐所有以佐公家之急豈不慷慨尙義媵節哉乃朦朧誑奏徼有

恩旨宜何如鄭重者顧又携之私家付之奴隸不啻
弁髦視之臣謂二弁無人臣禮矣伏望

皇上洞鑒二弁悖慢之罪

勅下法司提問究治仍責令應役以懲無禮復行該
部司官查明除豁庶

朝廷尊公役亦不至曠廢矣

叅舖商濫免罪璫妄瀆疏

題爲舖商優免太濫罪璫妄

瀆堪駭懇乞

聖明槩行查以杜徼倖亟正法以懲饗惡事臣惟舖

商之爲

京師苦也譬若赴湯蹈火然平民猶圖脫免倘例

當優免者而故強坐之役豈曰人情惟是道貴

蕩平事尙綜覈斯人無私議役不倖脫耳頃者

工部奉

各步草 卷一 三
旨僉派舖商共二十八名日來優免之

旨連翩而下不啻三分之一矣除詹國慶張彩係查
明優免者抄發聽該部查覆外若文應詔徑以
原任錦衣衛都指揮僉事免楊惟政徑以府軍
右衛百戶免陳光胤徑以錦衣衛副千戶陳紀
子免賀應武馮時臻徑以錦衣衛百戶賀鏞馮
滋子免郭自勉徑以東廠辦事總旗郭明禧弟
免許爾任徑以兩淮太監魯保機戶免之數名
者使其果世職也應襲也執事在官及的親子
弟也而免之奚不可者然人情滋偽詐員多
就其中豈無以納級支世職者乎豈無以支戶
冒應襲者乎又豈無以投托疏屬稱在官作下
弟者乎有一於此而不行查

陛下何從而知之又何可襲從而免之臣聞之道路
諸豪富輒相謂曰寧拚萬金毋認商役夫自雄
其通神之力不難交關以市恩則舖商伊誰任
之臣謂倖竇不可問非一查之不可也至於監
丞陳奉之

請尤可駭異夫陳奉非採權湖廣激變地方者乎彼其掘人墳墓毀人室廬殘人性命姦人妻女恣橫甚於陳增積蓄倍於陳增陳仲山淫縱詐騙亦不亞於陳增之程守訓王惟忠等陳增死而資財半入

內帑程守訓王惟忠俱逮而繫之獄行將盡究賊私而陳奉保其橫積陳仲山晏然無恙卽慷慨認商後聊出吮削餘膏爲

朝廷效分毫之報亦理所宜然柰何枝柱不肯從耶且自陳奉撤回以來中外日望

皇上誅奉以法以謝楚人以正辱命羞

朝廷之罪今奉乃敢突出而乞

恩我

皇上亦遂容其乞而不校何以安彼反側慰服中外之望哉夫舖商

朝廷之重後也有力者倖免無力者何以堪之刑賞

欲焚草
卷一
朝廷之大法也有罪者蒙
恩無罪者又何加焉故臣披瀝誠懇請將文應詔等
勅下該部查明優免將陳奉
亟下於理明正其罪將天下後世仰
聖天子光明雄偉出於尋常萬萬矣

欲焚草

天水胡忻慕之甫著

因鰲山請罷礦稅疏

題爲節令可樂人窮堪憫懇乞

軫念推廣以邇

聖情以光

聖治事伏惟獻歲發春風柔景媚

皇衷悅豫樂事孔偕誼聞山臺二廠鳩工運材起架
鰲山以備我

皇上上元遊賞而

皇太子且峙對於

宮園

福王又鼎聯於府第我

皇上宮庭父子間撫時揚衡娛目快志猗歟盛矣然
我

皇上通兆民爲一身合四海爲一家者也身之肢骸
髮膚有一痛痒不關於心者乎家之亞旅僕婢
有一疾苦不繫念於王者乎今天下爲礦稅所

苦爲中使叅隨所魚肉

輦轂之下物耗價湧

畿輔之間易子析骸江之南北山之東西無人不
愁嘆無地不流離我

皇上試一思之真有若痛痒在躬疾苦在御也者誠
於此時

慨然下明詔曰方春和時群生皆有以自樂獨吾百
姓戾於礦稅毒荼於群小豈吾爲

國計權宜仁愛元元至意其一切停罷之誠如是

將

渙號風行歡聲雷動太和順洋溢頌我

皇上宮庭父子之樂無鬱而不鬯之處此之謂樂

以天下樂之至也抑聞之蒲堂飲酒有一人向

隅而泣則衆心爲之不樂夫天下皆向隅

皇上何忍獨樂又聞一客不得食拂鼎傷衆賓百姓

賄賂胥讒憤極思亂將有如客之不得其食者

矣

皇上奈何能獨樂哉且天下苦礦稅

皇上已習知之矣中使叅隨之害人

皇上亦赫怒之旣薄懲之矣顧隱忍而久不決者貨

殖之一念未割耳夫利欲溺人如逐洪濤苦海

無邊回頭是岸惟

皇上猛省而雄斷焉卽唐虞三代之盛可追美矣臣

不在激切顛望之至

請免司空休致更簡任疏

題爲司空杜門已久部務廢閣太甚仰懇

聖明亟允休歸更

簡任以飭

朝常事臣竊惟尙書總攝諸曹納言敷政司空職
掌邦土下理上和秩至重也堤決運危河事急
繁

陵毀城頽工作浩繁任至劇也民力凋罷而役必不
可已庫藏匱竭而費必不可缺時至艱也夫以

各本堂
卷一
至重之秩當至劇之任而值至艱之時卽有聰
明強幹夙夜黽勉猶慮不給迺尙書姚繼可目
旣盲矣杜門不出業逾年矣乞休之疏已叁拾
貳上矣又自去冬辭印封閉不啓部事一切謝
絕盖自量其力之必不能勝亦自決其義之必
不可留也

皇上顧漫不裁決悠悠歲時以致該部章疏盈几莫
爲議覆簿書積案莫爲批發司屬無所稟承塔
墀鞠爲茂草斯在往時尚猶不可今何時也春

氣聿動修築偕作河臣方新謀斷伊始卽

祖陵碑樓工程上塵

聖念特諭閣臣責成該部及經管官員併工刻期造
完雖經管諸臣皆能竭蹙趨事然該部職在總
理所爲提綱挈領畢力率屬以仰副我

皇上朝夕懸望上安

祖靈至意者其誰耶夫鞠躬盡瘁臣之節也不能則
止臣之義也彼失明廢視貿貿其何之漏盡鐘
鳴行行而不止進不得效匪躬之節退不得遂

知止之義我

皇上優恤大臣豈應如此且病者職曠而不得去賢者路妨而不得前棄明作之功貽叢脞之虞我皇上之自爲計者亦疎矣伏願

皇上少垂意念於臣言亟允姚繼可以休致歸別簡才望大臣代其位則司空有人部事畢舉職業毋墜

朝常有光臣不任籲懇俟

命之至

辭 陵工優叙疏

題爲

陵工叙錄誤及微臣揣分難堪謹披瀝預辭乞

恩特賜俞免以安愚分事臣奉

命差往山後會勘

陵木旬日未接邸報頃事竣回還始得邸報讀之見工部爲

長陵明樓工完叙功疏謂臣忤相應優叙於京堂內
陛用臣不覺赧然自慙夫

明樓工完誠

國家光崇大典顧金錢半出

內帑是

皇上之孝也竭蹶各有司存是衆執事之力也臣何功之與有且京堂美秩臣衙門必資俸深而譽望隆者始得與推不然必持

節異域及偶豎偉伐者也臣之資俸在衙門居最末臣之譽望又錄錄無竒祇以巡視厰庫與聞

陵工事然皆尋常職分非有獨賢異績可優叙者何

敢冒昧當此

殊恩哉如謂

陵工事體隆重宜有浩蕩

皇恩然臣受厰庫事甫一月耳臣同官孟成已在事最久理宜膺此異數亦非臣之愚所該仰承也
伏乞

皇上鑒臣愚衷

票擬徑去微臣職名俾臣得率循舊職犬馬自効臣不任倦切候

命之至

請蘇商匠疏

題爲俯循職掌直陳商匠諸役劫苦不堪之狀仰
懇

聖慈節靡祛蠹以蘇困憊以固根本事臣竊惟今天
下民生所苦夥矣秦苦絨江右苦磁器吳越之
間苦段疋綾紙普天率土苦礦稅之數者當事
諸臣屢言之

皇上亦稔知之

聖心仁愛且將有停止之日乃

輦轂之下民有至苦而

皇上或未知者則以臣未有以

上聞也

輦轂之下民所至苦者莫若惜薪司之舖商各工之
夫匠頭車灰等戶臣巡視厰庫實隸其人每入
公署見各役環泣遮訴有雉經溺水而死者有
髡髮棄家而逃者有傾家變產不能支者有督
併狼狽欲死無地者詰問其故則有壓欠之苦
有舖墊之苦有冗員索例之苦夫往時各役錢

糧有預支有找給無壓欠也自工作繁興供億
修費庫藏匱竭支給艱難按名坐派責之辦納
候領經年大半折闕始無米而令之炊旣空券
而莫之償總計于今壓欠蓋五十萬有奇矣小
民囊篋幾何堪此賠累舖墊乃內臣朘削以自
潤蔽規也今日藉口進

御而倍焉以取矣未辦錢糧先講舖墊舖墊之數不
盈錢糧雖完不收刁勒索拷烈於湯火蓋

皇上知而不禁彼益無所顧忌耳惜新司暨各厰內

臣額員不過十數人今多至三百餘人矣自來
工程提督監工內臣不過一二人今

都重二城四人

感思殿橋梁多至十八人矣彼所爲熙熙攘攘惟利
是趣常例之索孰能禁之乃冗濫若斯是昔之
常例一今之常例十谿壑無厭安所底止夫壓
欠多矣而又重之以鋪墊鋪墊煩矣而又耗之
以冗員剗其肉更吸其髓柰之何民生不日蹙
而逝亡且死耶我

皇上都四海以爲富而浚民以生心則何安統億兆
以成尊而剝民以役情則何忍詩曰惠此京師
以綏四國則

輦轂下呻吟愁苦可漠然不一動念哉伏願我

皇上悉停不急之工亟罷不經之費蠲無藝之鋪墊
撤額外之冗員使帑藏充然有餘弊蠹肅然一
清則商匠各役將竭履趨事所爲通商惠工鼓
庶民子來之義者道不外此惟

聖明留意

勅下工部議覆施行臣不任顛

天候

命之至

請簡協理疏

題爲戎政大事攸關協理久缺非宜仰懇
聖明亟賜簡用以飭營務以壯
國威事竊惟

國家設立京營擁重兵於內以控馭華彝總督有
勲臣而又以文臣協理之蓋其重哉自尙書王
世揚去歲拾貳月以憂制歸吏部題

請會推李汝周世選蹇達等不報既奉
旨再推鄭繼之魏允貞沈子木郭子章詹沂等又不

報懸缺經年協理無資頃者秋操屆期總督陳
良弼題催

欽命協臣以裨營務奉

聖旨秋防之時戎政爲急協理大臣吏部便開寫前
推來看待朕點用欽此該部遵依開寫職名

上請中外翹注于今又月餘矣

點用竟屬空言我

皇上豈以營務有總可以無協乎夫總協各有所職
總臣曰督其職要也協臣曰理其職詳也兩職

並營則精神弗貫一心兩用則智慮難周于以
綜核將士蒐簡徒乘鮮克濟矣且居安不可忘
戰而來威必資元老今何時也奸宄叢集於
輦轂盜賊公行於

畿輔薄海因窮而思亂近邊窺伺而欲逞乃復重
臣缺畧營務廢弛緩急何所恃而虎豹隱然之
勢將安藉耶伏望

皇上軫念戎政不可玩視協理不可久缺
亟檢該部開寫職名于內

欽點壹員勒限前來任事則營務整飭
國威振揚而根本重地可以有備無患矣

條議舖商疏

題爲遵

明旨陳愚見以蘇商困事臣竊聞往昔舖商食鮮策
肥衣錦居華每一僉報有負緣欲當而不可得
者數年來賠賤劫苦至於今富者貧貧者逃且
死也頃我

皇上因惜薪司太監楊致中題稱舖戶人數太少疲
乏難支

慨然有感於今昔之異不欲以

御製 卷一 三
上用正供錢糧責數家小民出辦勅工部看議來說
至哉

皇仁是蔀屋蒙照憔悴更生之會矣臣可無一言以
佐末議伏思剔蠹不自其本蠹必復生求敝不
清其原敝必愈滋舖商僉報經該部四司巡視
科道審摘殷實人戶上者數萬金之產次亦不
下數千金力非乏也柴炭錢糧木炭每廠銀一
千八百七十五兩內柴每廠銀一千二百兩外
柴每廠銀一千兩三錢值非少也然而身家俱

困供辦不前者何也一日管轄太衆夫十羊九
牧猶虞其擾若一羊而百十人擾之寧有生羊
哉今該司各廠內官衆至三百餘人矣人人攘
臂攫奪其何能支臣愚謂宜定有額員該司掌
印僉書三四員各廠正副二三員其餘盡數撤
回則少一人卽免一人之害已一日舖墊太多
夫取索有節則幅利易供誅求無藝則壑欲難
厭今該司橫索暴求靡所底止甚至竭一廠錢
糧不足充一廠鋪墊矣小民血肉幾何堪此吞

臣愚謂宜限有額數或二八或三七過此有
禁則省一分卽享一分之利已

京師烟爨全藉煤炸而柴炭不甚急需乃商人辦
納則甚勞費卽

壇廟

宮殿等處供應不敢輕議其

內府與在外各衙門年例柴炭請一切改折或本
折各半亦恤商一議也

國家任土作貢物料各有職方後因攬頭包納壞
事遂令折銀解部招商買辦以致奸徒乘時射
利物價騰湧而商人坐困請將各處物料責解
本色毋復煩商買辦亦恤商一議也耕當問僕
織當問婢爲其習也僉報之商率多膏粱一被
拘攝如入閹室手足無所措惟有聽其魚肉耳
異時長安火夫爲累不殊舖商自徵銀顧募而
後安帖至今獨不可倣而行之舖商乎請將

京城內外開舖面及賣金玉珠寶之家不論權要
勢豪資本三二百兩以上至千萬兩列爲三門

九則納銀有差召募熟練事情慣應商役者十數人使之應役則

京師之人世世子孫可永無僉報之憂矣臣一得之愚如此惟

皇上幸裁倘葑菲可采伏乞

勅下該部議覆施行臣愚幸甚

輦轂之下幸甚

請處河工經費疏

題爲河工正在緊關經費尙屬築舍仰懇

聖明嚴諭協助諸臣同心共濟并處補未足銀數以佐河臣急需事伏自河灌南陽漕渠淤淤大挑挽河塞決治運固必然不易之畫哉頃接總河書揭則知河工已舉三省直官統領二十萬衆鱗集河干懽呼相杵畚斲雲興誠使錢糧湊手刻期督併平成立可奏績顧題

請原估工費八十萬奉

旨處給者六十五萬使是六十五萬也如數盡輸河
上彼未敷一十五萬尙費措處乃今戶部二十
七萬爭執縮去三萬五千矣南京兵部十萬以
省直久欠馬價柴直抵去五萬矣南京工部三
萬又以應天等府拖欠匠班織造等銀抵數矣
均派有漕省直二十萬應天該銀七萬三千七
百有奇巡撫周孔教又以災民困極不堪加派
請蠲免矣夫出納之吝於排難解紛之時隘也
畫餅指梅以紓饑渴之困虛也雍容揖遜以赴
水火之急迂也在在帑藏空匱處處閭閻凋劫
錢糧誠不易處惟是

國家咽喉命脉攸繫勢不得不竭蹶以從耳且寧
于別項撙節

明旨炳若日星諸臣猶柰何懷畛域之見爲秦越之
視乎臣請

嚴諭諸臣如數協助分毫不可少也至於未敷一十
五萬原議搜括歲修召納事例補足乃歲修庫
貯久乏事例援納甚少河患烈於剥膚工費急

於然眉以涸轍之鮒待西江之水其何能濟查
得總河前時疏請欲將開封歸德河南汝州三
府一州山東兗州東昌二府漕米改折納銀以
正數解部以省剩濟工既於
國計無損而以蘇災民以裨河工似在可行如不
然我

皇上已捐天下稅課之半助各項工費之資矣然內
外工程繁夥財用匱竭至極請將解進內庫之
半再捐今歲三分之一發之河上俾河臣專精

築濬期底平成此尤浩蕩

皇恩萬代所瞻仰者夫難成者功也易失者時也此
去春募放水之期轉盼間耳河臣方競寸陰以
效胼胝處給錢糧使得及時致力當不啻救焚
拯溺然者惟

聖明留意焉

欲焚草卷之一終

御製

卷一

三